

Ulloq 13. November

Siunnersuut uunga: Namminersornerullutik Oqartussat pigisaannik sillimmasiisarfimmik pilersitsinerup iluaqutissartai aammalu aporfissarisinnaasaasa misissorneqarnisaannik, ila-nngullugu pilersitsinerup suut piumasaqaatitariumaagai, soorlu aningaasartuutissat aamma-lu sulisussat pillugit Naalakkersuisut peqquneqarnissaannik Inatsisartut aalajangiiffigisas-saattut siunnersuut.

(Inatsisartunut ilaasortaq, Anthon Frederiksen, Partii Naleraq).

Inatsisartunut ilaasortap Anthon Frederiksen Partii Naleraq siunnersutaanut Siumumiit imatut oqaaseqassuugut.

Siumumiit Partii Naleqqatuulli aningaasat nunatsinni annerpaamik kaaviaartinneqartariaqarnerat isumaqarfīgigatsigu oqaatigerusupparput.

Siunnersuummut tunngatillugu Naalakkersuisut akissuteqaatigisimasaanni takuneqarsinnaavoq pi-sortat sillimmasiisarnermut aningaasartuuteqartarnerat qujanartumik iluaqusiisarsimasoq. Tassa sillimmasiisarnermut qaffasissumik akiliuteqartoqartaraluartoq arlaleriarluni angisuumik ajoquser-toqartarsimanerani 100 milliuunit qaangerujussuarlugit iluarsissutissatut utertoortigineqartarsima-sut.

Aammalu sillimmasiisarfimmik pilersitsissagaanni aningaasarpasuit pigineqaqqaartariaqarmata Siumumiit ilisimalluaratsigu pilersitsissagaanni ajunngittut ajortullu misissorneqartariaqanngittu-lluunniit isumaqarfigaarput.

Tamattami takusinnaalluarunarpaput taamaaliussagutta inuiaqatigiit aningaasaataat pisariaqartin-neqartunullu atugassaasut qularnaveequtigilersussaagigut.

Naalakkersuisut akissuteqaataanni takusinnaavarput Namminersorlutik Oqartussat misissuilersima-mmata Kommuunit aammalu aktieselskabit Namminersorlutik Oqartussanik pigineqartut ilaat peqa-tigalugit akiliutigineqartartut appartinnissaannut sutigut periarfissaqarnerasoq misissuisoqalersima-soq.

Naattumik taamatut oqaaseqarluta siunnersuutip itigatinneqarnissaa inassutigaarput.

Jess Svane
Siumut